

*Nakristianoan
a Ministri ni
Tony Alamo*

Pagiwarnak para iti Lubong

BARO A JERUSALEM

Dagiti Iglesia iti Entero a Lubong

Pastor Tony Alamo

Ti Nakristianoan a Nasion ni Alamo

Libro 13200

DAGITI MANNAKIGUBAT ITI LET-ANG

Ni Tony Alamo



*Litrato ni Pastor Tony Alamo
—1986*

Ket kinasao ti maysa nga anghel ti Apo ni Felipe, a cuncunana: “Tumacderca ket inca iti Abagatan, idia y dalan a pagsalugan manipud Jerusalem agingga idia y Gaza, isu a let-ang” (Aramid 8:26).

Napan ni ebangelista Felipe idia y Samaria. Kabayatan nga adda isuna sadiay, nangrugi ti maysa a pannakapabileg. Adnaan daytoy a pannakapabileg kadagiti dakkel a milagro ti pannakabalin. Naagasan dagiti masakit, napaksiat dagiti demonio, naiparangarang ti dayag ti APO, ken babaen iti panagkasaba ni Felipe, natignay ken napabileg ti entero a ciudad. Adda ni Felipe iti kinangato ti naapostoloan a panagministro ken kadowana ti DIOS nga agtigtignay babaen kenkuana iti nabileg a wagas. Iti maysa a rabii, nagtimek kenkuana ti ANGHEL ti APO a kunkunana, “Felipe, tumakderka ket panawam ti pannakapabileg ken sumalogka idia y Gaza ta mapanka iti let-ang.” Iti panagkunak adda panagsaludsod iti puso ni Felipe kas dimngeg iti bilin a panawanna ti pannakapabileg. Panawan ti tignay ti DIOS? Panawan ti pannakaidemonstrar ti pannakabalin ti DIOS ken mapan iti let-ang? Awan ti danum sadiay ken awan ti aircon. Awan ti McDonald wenno KFC sadiay. APO, saanko a kayat ti let-ang; Kayatko ti agtalinaed

ditoy ayan ti pannakapabileg. Kasapulannak ti mapaspasamak a pannakapabileg. Agtigtignay ti pannakabalin ti DIOS, mannarimaan ti pannakapabileg, maisalsalakan dagiti kararua, kasapulandak ditoy!

Ngem rinuggian ni Felipe ti panagdaliastna a napan iti labes ti Jerusalem iti nalawa a dalan nga agturong iti igid ti baybay ti Mediterranea a rumuar iti Amianan ti Africa. Nagkararag isuna kas magmagna iti dalan, “Sige, APO, adtoyak. Ania ti kayat MO nga aramidek?” Idi tumangad isuna, nakitana ti sumungad a maysa kadagiti “Cadillac” idi panawenna—nabaknang a tao ti nakalugan iti karruahe, nakakawes iti kawes dagiti maharlika. Kabayatan ti panagluganna, basbasaenna ti surat ni Profeta Isaias. Idi nakitana ni Felipe, minandaranna ti karruahe nga agsardeng, ket inawisna ni Felipe a makilugan kenkuana. Idi simmakay ni Felipe iti karruahe, napaliwna a basbasaen daytoy a tao ti surat ni Profeta Isaias. “Maaw-awatam kadi dayta basbasaem?” sinaludsodna. (Basbasaenna ti maika-53 a kapitulo ti Isaias nga agsarsarita iti mapapan ken ni APO JESU-CRISTO.) Simmungbat ti eunuko, “Kasanok a maawatan no awan met ti mangipalawag kaniak?”

Imbaon ti DIOS ni Felipe tapno ipak-

aawatna daytoy a nasantoan a surat iti daytoy a tao. Namati ti tao, naisalakan, ken nabautisaran, amin dagitoy ket napasamak iti isu met laeng nga aldaw. Ibaga ti pakasaritaan kadaytoy a maysa a naindaklan a turayen daytoy a tao, isuna ti tresurero ti entero a Ethiopia. Nagsubli daytoy a tao idia y Ethiopia ket isu ti nangyeg iti SAO ti DIOS kadagiti tattao sadiay ken nangipasdek iti iglesia sadiay (adda pay laeng ita dagiti ramutna sadiay gapu ta nagtulnog ni Felipe iti SAO ti DIOS a sumalogka isuna iti let-ang).¹

Adu kadagiti tattao ti DIOS ti naibaon iti let-ang.² Banag daytoy a kayat a lissian ti tunggal maysa kadaytoy no mabalin laeng koma. Ibilangtayo a saan a komportable no bumallaet ti DIOS iti dalantayo ket ibagana kadaytoy, “Kayatko a sumalogka iti let-ang.” Ngem iti tunggal biag nga us-usaren ti DIOS umay daytoy a kapadasan iti let-ang. Iti kapadasan ni Felipe, nagministro ti DIOS kenkuana; pinidut iti ESPIRITU ken naiyapan iti let-ang iti labes ti igid ti baybay babaen iti saan a gagangay a pannakabalin ti DIOS.

Naan-anay a nasken iti biag dagiti pudno a lallaki ken babai ti DIOS ti kapadasan iti let-ang.³ Saanna nga an-anayen dagiti

(Maituloy iti panid 2)

DAGITI MANNAKIGUBAT ITI LET-ANG

(Katuloy ti panid 1)

pagkargaanna iti ciudad no di ket iti lugar a let-ang. Maibagam no adda ti maysa a tao iti let-ang gapu ta mangngegmo isuna nga agkuna, “Namaga unay ti panagriknak, kasla landok ti rikna dagiti Langlangit, ken saanko a maaw-awatan ti mapaspasamak kaniak.” Yapyapannaka ti DIOS iti kapadanan a let-ang. Interesadotayo launay iti ministri ken iti panagiwaras, ket nasayaat dayta. Interesadotayo launay iti repreg a tao. Kayattayo ti agtultuloy, ngem ibagbaga ti DIOS kadatayo, “Anakko a lalaki (wenno babai), kayatko nga agpaigidka ditoy. Kayatko nga umadayoka manipud kadagiti adu a tattao. Kayatko nga ilasinka. Kayatko nga agmaymaysaka ditoy ruar iti sirok dagiti bituen, ditoy naladingit a lugar a mabalinko a pangkatungtongan kenka. Kayatko nga ipuor ti SAOK dita agnanayon a kararuam.⁴ Kayatko nga ikabil ti MENSAHEK dita ngiwatmo.⁵ Kayatko ti umay dita kaunggan a paset ti kinasisin-nom. Kayatko ti agrabaho kenka.”⁶ Kanayon a saantayo a nakasagana iti daytoy a banag. Isangittayo, “Ngem saanko a kayat ti naladingit a lugar. Kayatko a napalikmutanak kadagiti tattao. Kayatko nga ammo dagiti tattao ti pagdaldalanak. Kayatko a makisimpatia dagiti tattao kaniak. Kayatko a maawatannak dagiti tattao. Kayatko ti pannakikadua.” Ngem ibagbaga ti DIOS, “Idurduronka iti let-ang, ken no agpayso nga ay-ayatennak ken patiem ti SAOK, mapanka. Yap-panka sadiay ta kayatko a kasarakka nga agmaymaysa, idia let-ang.”

Pagsasaritaantayo ti maipapan iti daytoy a let-ang. Agyamanak iti DIOS ta adda ub-ubbog iti danum. Agyamanak iti DIOS kadagiti tuktok dagiti bantay. Ngem pagyamanak met ti DIOS ta iti biag ti tunggal lalaki ken babai nga maaw-awagan a Kristiano, adda pannakadutok a para iti gasat. Tunggal maysa nga umay nga addaan iti umapapoy a mensahe ken tunggal profeta nga addaan kinatured nga agtakder iti sangoanan ti entero a nasion ken uray pay iti lubong, dagitoy a tattao ket indalan ti DIOS iti naladingit a lugar—lugar a let-ang—nasaem a lugar—lugar ti sipnget iti tengnga ti rabii—lugar nga awanan linnaaw—dayta ti lugar a pagtimtimekan ti DIOS, pakitungtungtungan, pangsuksukogan, pangpappapintasan ken pangporpormaanna.⁷ Kalpasan daytoy

santo laeng mabalin nga ibaon ti DIOS dayta a lalaki wenno babai manipud iti let-ang nga addaan iti makaited iti biag a

Danum ken MENSAHENA nga agnanayon a pannakaisalakan.

Walo-pulo ti tawen ni Moises idi inayaban ti DIOS isuna. Pinalubosanna ni Moises a makaawat iti edukasion ken agbiag kas prinsipe.⁸ Iti uneg ti uppat a pulo a tawen, natamtaming ken napagserbian isuna. Dini-gusna ti bagina iti sumileng-sileng a danum ti Karayan Nile nga addaan kadagiti adipen a sisasagana a mangaramid iti amin a kayatna. Dagiti kasasayaatan a dinait ti kawesna ken rinamrambakna dagiti kanen dagiti ari iti lamisaan ti Faraon kas inad-adalna dagiti wagas dagiti Egipcio. Idi kuan iti maysa nga aldaw, imbaga ti DIOS ken ni Moises, “Nalpasen ti umuna a tukad ti edukasionmo, ita adu pay ti napatpateg a banag nga idutokko kenka.” Inturong ti DIOS isuna iti likod ti let-ang.⁹ Iti uppat a pulo pay manen a tawen pinagnana iti pasang-at ken pasalug dagiti bantay a darat agingga a pinuoran ti inait ti kudilna ken limmabbaga dagiti matana gapu iti darat, agingga nga intrabaho ti DIOS ti kinaladingit ti let-ang iti kararuam a mismo ni Moises.¹⁰ Ket itan, sisasaganaan ti DIOS a mangtaginayon iti dayta a pannakadutok. Nabingbingay ti biagna iti agpapada a tallo a sag-uuppat a pulo a paset ti tawen; uppat a pulo a tawen idia Egipto, uppat a pulo idia let-ang, ken uppat a pulo a panangukom; naited kenkuana ti linteg para iti Israel, ken para iti lubong.

Nasarakan ni Moises ti umapapoy a bassit a kayo iti likod ti let-ang.¹¹ Nangngegna ti timek ti APO, nagtulnoganna, ket rim-muar nga addaan iti apoy iti profeta ken day-ag ti DIOS iti kararuana.¹² Indalanna manipud iti pannakaadipen ti adda iti nagbaetan ti dua ken tallo a million nga Israelita, nagaramid kadagiti dadakkel a pagilasinan ken pagsidsiddaawan ken milmilagro—gapu ta nakasarakna ti DIOS iti lugar a let-ang.¹³

No mapmapanka kadagiti tattao ti DIOS nga addaan kadagiti pagilasinan ken pagsidsiddaawan ken milagro, ken no agawitka iti sarukod a mangyeg iti pannakawayawaya, adda met ti umapapoy a bassit a kayo nga ipaay ti DIOS kenka iti lugar a let-angna, banag a nasken a masarakam nga umun-una. Saanmo a panunuten nga adda tao a mangayab kenka manipud iti kongregasion a mangipatay iti imana kenka ken mangibingay iti ministri kenka a mangyeg kadagiti lallaki ken bab-

bai manipud iti kinabulsek ken pannakabalud. Saanmo a panunoten a mapanka iti pagadalan iti Biblia ken adda mangiyawat kenka iti diploma a mangpabael a sigud kenka a mangisalaman kadagiti tattao. No kayatmo nga iruar dagiti tattao manipud iti panangbalud iti Egipto, nasken ngarud a masabetmo ti DIOS iti likod ti let-ang. Ik-katen ti DIOS dagiti ragragsak. Ikkatenna dagiti nam-ay. Ikkatenna dagiti bambanag a pagtaltalkam, ken ipanawnaka manipud kadagiti tattao babaen iti ESPIRITUNA, iti naladingit a lugar a sika laeng ken ti DIOS ti adda sadiay. Ti tunggal pudno a profeta ti DIOS, tunggal mannakigubat para iti APO, siasinoman a mangnamnama nga agirengpas para iti DIOS ket nasken nga umay iti rupan-rupa iti Namarsuana iti likod a paset ti let-ang.

Jose, umayka ken agtestimonioka. “Siak ti maikasangapulo ket maysa a putot ni amak.¹⁴ Naaddaanak kadagiti naespirituan a tagtagainep ken sirmata,¹⁵ ken ammok nga addaanak iti pakainaigan iti gasat; ngem maysaak a nagnaed iti naladingit a lugar. Dagiti annak ni amak, dagiti bukodko a kakabsat, linalaisdak.¹⁶ Nagbiagak kas maysa a gangannaet iti pagtaengan ni amak.¹⁷ Naibaonak tapno agbiag iti rukib wenno akintengnga a kulongan ken iti kinaspnget ti pagbaludan.”¹⁸ Jose, kasanoka a nakapagtugaw kas naindaklan a prinsipe iti daga? Addaanka kadi iti kapadanan iti let-ang? “Wen, nasabetko dagiti kualifikasion ti DIOS iti rukib ni Faraon.” Nakaadalam kadi iti daytoy a pammakawan ken hustisia? Nakaadalam iti asi a marikriknam maipaay kadagiti dadduma a tattao?” Naadalko manipud kadagiti nalaladingit nga oras kabayatan nga agsangangitak a kumitkitaak manipud iti pagbaludan ni Faraon. Dita ti nakaadalak iti kaasi ti DIOS.”

Juan, kasano a makapagtakderka nga addaan iti kasta a kinalaing nga agsao? Juan, kasanom a maidalan dagiti repreg a tattao iti panagbabawi? Juan, kasano a daytoy nga apoy ken daytoy a pannakabalin ken daytoy a kaasi immay iti biagmo, a mabaelam nga allukoyen ti nasion babaen iti panangik-sabam iti maibusor iti basol? “Pinanawak ti pagtaengan ni amak kas maysa nga agtutubo ket napanak ken dinengngegko ti ayab ti ESPIRITU SANTO, ken nagnaed iti let-ang.¹⁹ Nagsuotak iti lalat a pagan-anay ken nanganak iti balang a diro ken dudon,²⁰ ken nasabetko ti APO a DIOS iti likodan ti let-ang. Immay iti pusok ti SAO ti DIOS, ken rimuarak iti let-ang nga adda ti regget ken

4 Prov. 3:3, Jer. 31:33, Heb. 8:10, 10:16 5 Sal. 81:10, Jer. 20:9, Mat. 10:19-20, 13:23, Marc. 16:15, 1 Cor. 1:17-18, 21, 2 Tim. 3:16-17, 4:2 6 Rom. 12:1, 2 Cor. 5:18-20, 9:8, Fil. 1:6, Heb. 4:10-16, 13:21 7 Rom. 5:3-5, 2 Cor. 12:9 8 Ex. 2:1-10, Ara. 7:22 9 Ex. 2:15-22, Heb. 11:24-27 10 Ara. 7:29-34 11 Ex. 3:2-10 12 Ex. 3:10-22, Ara. 7:34-36 13 Ex. 4:1-9, 28, 6:13-37, Kap. 7-14 14 Gen. 30:22-24, 37:2-3 15 Gen. 37:5-10 16 Gen. 37:4-11, 17-20, Ara. 7:9 17 Gen. 37:4-11 18 Gen. 39:6-20, Sal. 105:18 19 Mat. 3:1, Luc. 1:13-17, 67-80 20 Mat. 3:4

dayag ti DIOS iti kararuak. Dayta laeng ken sipud laeng idi santo nabaalak nga ikasaba ti mensahe ti panagbabawi a makapagparintumeng kadagiti tattao.”

Kalpasan a nakombertir ni Pablo iti dalan ti Damasco, inkasabana ni CRISTO iti ababa a kanito.²¹ Kalpasanna napan iti Let-ang ti Arabia iti dua a tawen.²² Awan ti dakamat-en kadatayo ti Nasantoan a Surat maipapan kadagitoy a tawtawen, ngem nagpukaw isuna iti let-ang iti dua a tawen kalpaskan ti panakakombertirna ken nagtaeng iti naladingit a naulimek a lugar. Nanipud laeng idi santo immay kas naindaklan nga apostol ti DIOS.

Ken uray SIKA, APO JESUS; napulotanka manipud kadagiti pundasion ti daga tapno mangyeg iti agnanayon a pannakaisalakan iti napukaw ken matmatay a lubong.²³ SIKA, JESUS—wen, uray ti APO—papanam? Mapanka kadi iti templo idiy Jerusalem tapno iproklamam ta BUKODMO kas MESIAS? “Saan, induronnak ti ESPIRITU tapno mapan iti let-ang iti uppap a pulo nga aldaw.”²⁴ Ken kadagidi nga aldaw, ti agtultuloy a panagayunar ken panagkararag, pinaneknekanna ken ni Satanas ti pannakabalin ti NASANTOAN a SAO ti DIOS ken rimuar manipud iti let-ang, a napno iti parabur ken kinapudno, inaramidna ti mission nga adda KENKUANA manipud Langit.²⁵ Wen, uray ni ARI JESUS binusbosna ti panawenna iti let-ang, ken adu pay a daras ngem dayta a kanito.

Tunggal lalaki ken tunggal babai a nangipatayan ti DIOS ti imana ken inayabanna, inyapanna iti lugar a let-ang. Agsasaoak maipapan iti naladingit a lugar iti naespirituan a biagmo a pangisinaan ti DIOS kenka, inton saannaka a maawatan dagiti tattao, inton ammom a dimtengen ti panawenmo tapno usarennaka ti DIOS. Ibaga ti DIOS, “Saanak a mangibaon iti mangikararag kenka wenno para kenka. Masapul nga aramidem a mismo ti bukodmo a panagkararag.”²⁶ Masabetmo ti MANNAKABALIN-AMIN a DIOS iti rupan-rupa. Iyapannaka ti DIOS iti dayta let-ang a lugar a kumpetka iti pannagnam iti DIOS wenno matayka. Agrukbabka iti imatang ti DIOS ken agsangitka iti panagtuokmo agingga a masapulam ti umno a lugar iti DIOS. Masarakam ti baro a relasionmo iti DIOS, ken awanton ti aniamanna inton bagaannaka ti DIOS a mapan idiy Nineve, gapu ta nakakonektaka a mismo iti trono ti DIOS, ken iti dayagna iti imatang ta rupam iti agnanayon. Agsasaoak iti lugar a pangbilinan ti DIOS kenka, ken pakaawatan iti bilinna. Dayta ket lugar nga

awanan iti naintaoan a liwliwa para kenka, ken awan ti makaawat iti ar-aramidem.

Ania iti panagkunam ti pagdaldalanan ni David idi addaan isuna iti innem a gasut a lallaki iti aglawlawna ket awan uray maysa kadakuada ti nakaawat kenkuana? Imbagana, “Mawaw ti kararuak para iti biag; DIOS, sadino ti napanam? Saanka a marikna. Mawaw ti kararuak para iti sibibiag a DIOS.”²⁷ Adda ni David iti lugar a saan nga um-umay ti DIOS kenkuana ken makikatkabungtong kenkuana, ken kasapulanna ti agtakder iti SAO ti DIOS nga agtigtignay iti unegna. Masapul nga maaddaan isuna iti pammati iti kinaimbag ken kaasi ti APO, a ti DIOS uray kaskasano ket ilasatna isuna iti daytoy a pannubok ken kapadasan a let-ang.²⁸

Padpadasen ti DIOS ti mangpatanur kadagiti sumagmamano a lallaki ken babai. Ibagam, “Inayabannak ti DIOS tapno agpadto.” Oh, inaramidna, inaramidna kadi? Umuna ipakitamman kaniak ti darat dita sapatosmo. Idi dagiti profeta iti napalabas ket umayda nga addaan iti SAO ti APO, dadduma kadakuada ket naub-ubor, dadduma nabelheng kadagiti pagbaludan, ken dadduma ket nagur-gura ken napappapatay pay.²⁹ Ket sika, adtoyka, iti umuna a pannakasagrapmo iti pannakaidadan, agsangitka ken ibagam, “Agsanudakon iti pammatik.” Ngem no ipalubosmo ISUNA ken sumukoka iti ESPIRITUNA, an-anayennaka ti DIOS iti dayta lugar ti let-ang ken pataenggenna.

Addanto ti kanito iti kapadasan a parwaren ti DIOS dagiti tattao iti aglawlawmo ket pastrekennaka KENKUANA, ket isangitmo, “DIOS, awan makaawat kaniak.” Sumungbatto ti DIOS, “Saanko met kayat a maawatandaka. Agsapsapulka laeng iti abaga a pagsangitam, ket kayatko nga agsangitka iti abagak.” “Dadduma kadakayo ket agdama nga adda iti lugar a let-ang.” Dadduma kadakayo ket mangrugin a rumuar manipud iti let-ang. Nakadennamon ti DIOS. Makikatkabungtongka iti DIOS, ken makikatkabungtong ti DIOS kenka. Masabsabetmo dagiti kalkalikaguman ti DIOS. Nasarakam ti lugar iti DIOS a saanka pulos a magaraw wenno magungon. Saanka nga agpangato wenno agpababa iti pannagnam kas Kristiano. Nasabetmo ti DIOS iti rupan-rupa ken addaan realidad. Naadalmo a naan-anay dagiti susurroen iti let-ang. Ammom no kasano ti agkararag, ken ammom no kasano ti kumpet kadagiti karina. Ammom no siasinoka, ken am-

mom no siasino ti DIOS. Saanmo kasapulann ti naintaoan a pammasingked, gapu ta nangngemmo manipud iti DIOS MISMO. Saan a naipasa laeng ti nangngemmo, ngem makikatkabungtongka a direkta iti DIOS, ken sumungsungbat ISUNA.

“Tumakderka ken sumalugka iti let-ang. Adda banag nga itedko kenka idiy let-ang: dagiti pakariribukan, pannakaupay, ut-ot ti puso, kabaliktad.”³⁰ Mabalinnmo ti adda iti let-ang a napsikalan, mabalinnmo ti adda sadiay iti panunot, wenno mabalinnmo ti adda sadiay a naespirituan. Ngem makitungtung-tong ti DIOS dita pusom iti lugar a let-ang.

Apay, Felipe, apay a mapanka iti let-ang? “Gapu ta adda tao sadiay nga agturong iti pagarian ken mangidalan iti maysa a nasion iti DIOS.” Saannaka nga ikabil ti DIOS iti lugar a pagsagabaan gapu ta saan a maay-ayo ISUNA kenka. Ipalubos laeng ti DIOS nga agsagaba dagiti napili. Ti panagsagaba ket saan a para kadagiti gagangay a tattao, gapu ta saan nga agtaktak ti DIOS a manggiling iti aniaman malaksid iti nasayaat a trigo.³¹

Saludsudem, “Kasano a naglaka para kadagiti dadduma ket nagrigat para kaniak?” Nalakaanda gapu ta saan a dinawat ti DIOS nga agtakderda kas iti kayo nga ensina. “Apay ta dagitoy a tattao ket addaan iti nagadu a namaterialan a gargaret?” Gapu ta dayta laeng ti aminen a maipaay ti DIOS para kadakuada. Saan a maitalek ti DIOS kadakuada ti panagsagaba. Saanna a mabalin nga ikabil ti aniaman nga apoy iti babaenda ta amangan no mapuoranda. Saan a sayangen ti DIOS ti hurnona iti rigat. No awan ti balitok dita kararuam, saan a sayangen ti DIOS ti hurnona kenka. No awan ti aniaman a banag kenka a rumwar nga addaan nailangitan a biag, saan a mangibaon ti DIOS iti pannubok wenno tribulasion iti dalanmo. Dagiti pannubok ken tribulasion ket para kadagiti santo ti DIOS a mangaw-awit iti SAONA para iti sangkataoan. Ti tsapa ti nagappuanan ti Kristiano ket inton ti pannakaidadan nga immay ken ni JESUS, umay kenka.

Ayaten ti tunggal maysa ti maapresiar ken makangngeg kadagiti nasasayaat a bambanag a maipapan kadakuada. Agran-niagda a kas iti neon a bumbilya. Ayatenda ti panangayat ken panagpanunot dagiti tattao iti nasayaat maipapan kadakuada. Saanda kayat a mangngeg nga ibaga dagiti tattao kadakuada, “Adaywanyo isuna. Here-tiko isuna; adda isuna iti palso a doktrina.”

(Maituloy iti panid 4)

21 Ara. 9:3-22 22 Gal. 1:17 23 Mat. 13:35, Juan 17:24, Heb. 5:8-9, 9:24-28, 1 Ped. 1:18-21 24 Mat. 4:1-2 25 Mat. 4:2-11, Marc. 1:12-13, Luc. 4:1-14, Juan 1:14 26 Mat. 6:6, Luc. 18:1-8, Ef. 6:18, Fil. 4:6, Col. 4:2, 1 Tes. 5:17, 1 Tim. 2:8, Heb. 4:16, 11:6, 1 Juan 3:22, 5:14-16, Judas 20-21 27 Sal. 42:2, 63:1, 143:6 28 1 Sam. 30:6 29 Mat. 5:10-12, 10:16-18, 21-28, 20:18-19, 23:23-39, 24:8-10, 26:1-4, 47-54, 57-68, Luc. 21:12-19, Juan 15:18-19, 16:1-2, Ara. 6:7-15, 7:51-60, Rom. 8:35-37, 1 Cor. 4:9-13, 2 Cor. 4:8-12, 11:23-26, Gal. 4:28-29, Heb. 11:32-38, San. 5:6, 1 Juan 3:1, 13, Pal. 2:10, 6:9-11, 7:13-17, 11:3-12 30 2 Cor. 4:8-11, San. 1:2-3 31 Mat. 3:12, 13:3-9, 18-30, 47-50, 21:44, 1 Ped. 1:6-7, Pal. 3:18-19

DAGITI MANNAKIGUBAT ITI LET-ANG

(Katuloy ti panid 3)

Ngem ania ti ibaga ti DIOS... “Agannadka, anak, no amin a tattao ket agsao iti nasayaat maipapan kenka. Dayta ket saan a tsapa ti pannakaidumduma. Awanka iti paglistaan ti DIOS iti naimbag a kababalin inton ibagbaga ti tunggal maysa ti naiimbag a banag maipapan kenka. Ngem inton uyawen ken idadanes dakayo ken inton ibagada amin a kita ti kinadakes a maibusor kadakayo a pinapalso gapu iti nagan KO, agrag-okayo ken agragsakkayo iti dakkal ken agsalakayo gapu iti rag-o ta dakkal ti gunggunayo idiay Langit.”³² Isu a musikanto iti lapayagyo inton agsao dagiti tattao iti dakes kadakayo gapu iti nagan ni JESUS.

Agapsapul ti DIOS kadagiti sumagma-mano a Moises, ken sumagmamano a Juan a Mammuniag, ken dadduma a Jose, ken dadduma a Deborah, ken dadduma a Samuel, gapu ta ti lubong ket adda iti kasipngetan ken kasapulanna a maadda ti Lawag iti biag a naited kadakuada. Kayatna a rumwar dagita a lallaki ken babbai manipud iti let-ang, isuda a nakasabet iti DIOS kadagiti a nailimed a lugar, iti nalaladingit nga oras, dagita a makapairut iti puso nga oras inton saanka a makaturog ket kasapulam ti agkararag, dagidiay oras a DIOS laeng ti makaammo, inton ti laeng nalinnaawan wenno nabasa ket dagiti laeng lua nga agayos kas karayan manipud kadagiti matam kas um-umkiska iti DIOS, “DIOS, ilusotnak iti daytoy a pannubok; tulongannak tapno makayanak nga ilusot iti maysa pay nga aldaw. Saanmo nga ipalubos a maipasirokak, DIOS. Itedmo

kaniak ti pigsa, ti akin-uneg a pigsa, tapno tumakder manen ken mapabaro dita ESPIRITUM. Iti paset a panagsangit ken kadagiti lua ken bannog ken tuok, DIOS tulongannak a mamakawan manen. Saanmo ipalubos daytoy nga ut-ot nga umuneg unay agingga a saanakon a makapakawan. Ugasannak iti napateg a DARAM ken punnuennak iti pannakaibuyat ti ESPIRITUM.” Nagtuokka iti entero a rabii agingga a nakitam a timmampayag manen ti init iti awanan turog manen a rabii ken iti katre a nabasa kadagiti luam ken ling-etmo, kas nakigabboka iti DIOS tapno masabetmo ISUNA tapno mabaelam ti makalusot a nabalaliwan, gapu ta kuna ti DIOS iti maysa nga aldaw, “Sumalogka iti let-ang.”

Pilpilien ti DIOS dagiti saksina, ken sanayenna ida idiay let-ang. Sapsapulen ti DIOS dagiti KUKUANA a lallaki ken babai kadagiti let-ang ti pannakaupay, inton nadadaelenti kababalinmo ken ibaga dagiti tattao dagiti nararaggas a sao ken saan a nainkalinteg a bambanag maipapan kenka. Saanmo makita no kasano a ti nalinteg a DIOS ket tenglenna ti kappiana inton saan nga umno ti pannakatratom, ngem imbaga-na, “aw-awagankan iti para iti kapadasam a let-ang.” Nagkararagkan ken nagkararag ken nagkararag agingga nga awanen ti sabali pay a kararag a maikararag, ken uray ti biagmo a panagkararag ket nagbalinen a let-ang. Nasakit launay ta pusom ket ti laeng mabalinmo nga aramiden ket agtugaw iti simbaan ken agsangit. Saanmo a masarakan ti DIOS iti kanta. Saanmo a masarakan ti DIOS iti sala. Saanmo a masarakan ti DIOS iti panagdaydayaw. Aminen ket nagmaga. Naaramidmon ti kasayaatan nga ammom nga aramiden. Binayadam dagiti apagkapul-

lom ken pinatim ti SAO ti DIOS. Kinitam ti karga ti bangkom ket nangatangon dagiti utangmo ngem ti pastrekmo. Inkasabam ti SAO kadagiti tattao ken pinadasmo ti nagbalin a mannangted kadakuada. Rimuarka iti dalanmo tapno ipakitam ti kinaanus, ket ti laeng banag a naisubli ket dagiti nasasakit ken nararaggas a sao. Addaka iti lugar a let-ang. Dayta ket inton umay ti DIOS, ken puoranda dita kararauam amin dagiti banag a makadadael kenka. Umay ti ANGHEL ti APO (ti APO a MISMO) ken agtimek kenka manipud iti umap-apoy a bassit a kayo ken ibagana, “Mabalinmon ti mapanen. Adda kenka dagiti sao ti agnanayon a biag para kadagiti tattao. Addaanka iti sao a namnama, sao iti pannakaisalakan.” Iti dayta a kinito ruggiamon ti agnanayon a panagyaman iti DIOS gapu iti pannakiumanna kenka, ken mangbangonka iti altar iti dayta a let-ang para KENKUANA. Saanmo pulos a malipatan dayta lugar a nagsabetanyo iti DIOS iti rupan-rupa. Nasarakam ti kayat a saoen ti naan-anay a maidalan ken naan-anay babaien iti ESPIRITU ti DIOS, ken dagiti Sibibiag a Danum a nasarakam pagbalinenna dayta a let-ang kas nabunga a minuyongan. Amin dagitoy gapu laeng iti panagbalinmo a natulnog iti DIOS iti dayta a lugar ti let-ang.

Ibagbagan ti DIOS, “Kayatko a bisitaen dagiti tattao. Ti sangit ti sangkataoan ket immabot iti imatangko ket awananak iti tao tapno ibaon. Saanak a mangibaon iti profeta a saan a nakasagana. Saanak a mangibaon iti mangaskasaba a saan nga idaldalan ti ESPIRITU. Saanko kayat ti mangibaon iti tao a mangikasaba iti panagbabawi agingga a dayta mismo a tao ket nasarakanna ti panagbabawi iti bukodna. Saanko nga usaren ti tao a saan

(Maituloy iti panid 8)

32 Mat. 5:11-12, Luc. 6:20-23, 2 Cor. 5:1, 1 Tes. 4:14-18, Heb. 4:9, 11:16, Pal. 22:12-14

Pakistan

Patgek a Kabsat ken ni Cristo a Tony Alamo,

Kablaaw iti nagan ni Jesus. Kayatko nga ibingay ti damag maipapan iti aggigian idiay probinsia ti Peshwer.

Idi Agosto 12, 2011, agaw-awidak iti balayko, iti isu met laeng a kanito nasabetko ni Muhammad D.P. Maysa isuna nga agmanmaneho iti dam-trak. Adda dadael ti truck nga imanmanehona. Sinaludsodko isuna, mabalin kadi a tulonganka? Agyamanak kabsat, kunana. Ngem sinaludsodko manen isuna, no ayos laeng kaniam, kayatko nga ikararagka ken ibingay ti babasaen ni Pastor Tony Alamo manipud idiay USA iti narikut a panawenmo. Inawatna ti awisko. Agnanaed isuna iti terorista a probinsia ti Pakistan a pakigugubatan ti NATO iti agdama.

Iti, daytoy nga aldaw, tinawagannak. Patgek a kabsat,

mabalin kadi a paw-itannak pay iti ad-adu a babasaen gapu ta inwarasko daytoy a babasaen kadagiti agnanaed iti probinsia, makitak ti ad-adu a panagbalaliw ditoy. Makatulong launay daytoy a wagas iti panagbalaliw iti panunot dagiti terorista ditoy. Naammoak babaen iti panagsapulko nga adda 75% a terorista ditoy. Babaen iti daytoy a babasaen, makaalatayo iti ad-adu pay a kararua iti entero a lubong. Ti babasaem ket makatulong launay para kaniak ken iti familiak. Maay-ayoak launay iti daytoy.

Kayatko nga agkiddaw kadakayo a pangaasiyo ta ikarkararagyo ni D.P. tapno agballigi isuna iti pangngeddengna.

Ken Cristo,
Pastor R. B.

Albuquerque and Santa Fe, New Mexico

Sigurado a ti New Mexico ti maysa kadagiti kasayaatan a lugar a napananmi nagsaksian iti linaawas a kadwak dagiti kakabsat a lallaki. Mangal-ala dagiti tattao sadiay iti sagdudua a piraso ti babasaen tapno maitedda iti am-ammoda ti maysa. Ken babaen laeng iti panangisuotmi iti T-shirts nga Alamo Christian Ministries, nabaelanmi ti nagsaksi kadagiti restoran.

Iti maysa a naiduma a parking lot, nasarakan ti maysa a bala-sang ti maysa kadagiti pagiwarnak nga inkabilmi iti luganna. Kas basbasaenna, nangrugi isuna nga immisem ken inkabilna ti babasaen iti asideg ti pusona ken impakitana kadagiti tattao a kaduana. Dayta ti kayat ti Dios a papananmi daytoy a lawas, sigurado dayta. Inkabilnakami iti pakasapulanna kadakami. Daytoy, iti bukodna, ket dakkal a bendision, ken iti pannakakita nga inayat dagitoy a tattao ti babasaen, ken iti pannakakita kadagiti kararua a maisalsalakan.

El Salvador

Inawagan ti pastora manipud idia El Salvador a nakaawat iti Espanyol a kopya ti “Saanka nga Agsarday” ti witnessing line. Ayatenna ti mensahe ken kayatna ti makaala iti ad-adu pay a babasaen ken Biblia iti Espanyol. Imbagana nga imbag a ti Dios kenkuana a rumuar ni Tony iti pagbaludan iti mabiit. Inyapan ti Apo isuna sadiay tapno ikasabana ti ebanghelyo kadagiti tattao sadiay, ken kalpasan a malpas ti trabahona sadiay, rumuarta isuna. Inkarakagna ni Tony ken ti ministri manipud iti telepono, ken imbagana a kayat ti Apo nga umawagtayo Kenkuana, adda Isuna kadatayo, umkistayo a sipapasnek Kenkuana para iti panagballigi, pannakaispal, ken pannakaisalakan dagiti kararua. Imbagana nga imbag a ti Dios kenkuana nga addaan Isuna kadagiti dadakkel a paltiing nga ipakitana babaen kadatayo, ken saantayo a mabalin ti agsarday, masapul nga agtuloytayo a mamati nga Isuna ken Dios, ken kabaellan ti agaramid iti adayo a nangatangto ngem iti dawaten wenno panunotentayo. Ti Pagarian ti Dios ket balligi. Agsalukagtayo iti panagkararag.

Othelia Carabia de Campo
San Salvador, El Salvador

Arkansas

Iti Pastorko ken gayyem,

Kalkalpasko manen a binasa ti mensahe a “Dagiti Mannakigubat iti Let-ang.” Agkitkitaak kadagiti dadduma a kopya dagiti mensahe ken basbasaek manen ida. Agyamanak, agyamanak, agyamanak, agyamanak!!! Agyamanak kenka kangrunaan iti panangibingaymo iti it-ited ti Dios kenka a para kaniak ken iti lubong.

Adda sumagmamano a kanito, kadagiti tawtawen a nagbalin para kaniak kas kapadasan iti ‘let-ang’ iti panagbiagko kas Kristiano. Iti dayta a kanito saanko a maawatan no apay nga ipalpalubos ti Dios a mapasamak dagiti bambanag kaniak. Idi laeng kalpasan ti kaaddak iti naladingit a lugar a kadwak ti Dios, nga inted ti Dios ti pannakaawat kaniak.

Kalpasan a naala dagiti annakko, ad-daak manen iti dayta a lugar ti let-ang. Saanak a makaturog, saanko a kayat ti mangan, saandak a maliwliwa dagiti tattao, awan ti mangmangnegko manipud iti Dios, ti laeng matay ti kayatko. Intulutoyko ti nagsangsangit iti Dios, adda dagiti panagsangitko kadagiti katengngaen dagiti rabii. Ti laeng mangpatpatalinaed kaniak manipud iti naan-anay a pannakadadael ket ti Sao ti Dios, ti Nasantoan nga Espiritu ti Dios, ken ti pigsana. Inton kamauddiananna ket makaridepak nga agsangsangit, madandanagan para kadakua-da, etc., makariingak manen ken ti laeng kamang ken liwliwak ket ti Sao ti Dios.

Patiek a nabannogen ti Dios iti ‘pan-agrekrekklamok’ gapu ta iti maysa a rabii kabayatan nga agsangsangit manen ken agkarkararag, nagtimek ti Dios iti pusok ken tinubngarnak. Imbagana nga ammona ti marikriknak; nagdalanen ken nagsagaba Isuna iti dayta a situasion. Saan laeng a naisina Isuna manipud iti Anakna ngem imbaonna ti Anakna tapno matay para kadagiti anakko a lallaki karaman dagiti an-annak ti tunggal maysa. Imbagana kaniak nga itedko Kenkuana ken pagtalkak Isuna a naan-anay ken Isuna ti mangtaming ken mangurnos iti daytoy. Insigida a nariknak ti dakkal a bang-ar. Nagdandanagak, kankanayon a pampanunotek laeng ti kasasaadko imbes a naan-anay nga iyawatko iti Dios. Mabalin a kasla naglaka, bambanag nga insurom kaniak kadagiti tawtawen, ngem itan adtoyen ti pudno a pannubok. Saanko nga ibagbaga a nalaka ti agdalan iti daytoy a pannubok, ngem kalpasan a tinubngarnak ti Apo pudno a nariknak ti kappiak. Makatutokakon ita iti Apo ken kaamamirisko laeng nga kankanayon a Dios ti akintengngel. Para iti aniaman a rason, ipalpalubos ti Dios a mapasamak daytoy ken agbaliwto ken agbalin a dayawna.

Imbagam iti mensaahem, “Iyapanaka ti Dios iti dayta a lugar ti let-ang a mabalin kumpetka iti pannagnam a kad-

wam ti Dios wenno mataykanto... Padpadasen ti Dios a padakkelen ti sumagmamano a lallaki ken babbai...Saan a sayangen ti Dios ti hurnona iti pakarigatan. No awan ti balitok iti kararuam, saan a sayangen ti Dios ti hurnona kenka. No awan ti aniaman a banag kenka a rumwar nga addaan iti Nailangitan a biag, saan a mangibaon ti Dios iti pannubok wenno tribulasion iti dalanmo.”

Saanko nga ibaga nga awanen ti aniaman a pannubok, daytoy laeng a pannubok ket ti kadakkelen ken inlusotnak manen ti Dios. Siguradoak nga adda pay ti ad-adu a panagdakkal ken panagtaeng nga umay ken kayatko laeng nga ibaga nga agyamanak kenka iti amin a tawtawen a binusbosmo iti panangpadasmo nga ‘iruarnak manipud iti bukodko a kinasiasinno’ ken iti panangisursurom kaniak nga agbalin a kas ken ni Cristo, saan a nasayang dagita a tawtawen. Lumablabanak pay laeng iti nasayaat a laban. Agyamanak iti ehemplom iti ta sitatakderka pay laeng a natibker uray aniaman pay ti mapasamak! Agyamanak iti kinaibtur ken kinaanusmo!

Toy anakmo ken Cristo,
Becky Avila

P.S. Naragsak a maika-77 panagkasangay, sibibileg a bendisionannaka ti Dios, kitaenka iti mabiit!!!

California

Patgek a Pastor Tony,

Addaka a kankanayon iti puso ken kararagmi. “Siasino ti mangisina kada-tayo iti ayat ni Cristo?” (Roma 8:35-39). Daytoy ket ministri ti Dios nga at-atakien dagitoy nga anticristo. Dagiti panangakusar kenka, Pastor Tony, a mangtengtengngel kadagiti panunottayo ket maysa laeng manen daytoy a pamay-an ni Satanas tapno padasen ken dadaelenna ti kinapudno ti pannakabalin ti Espiritu Santo nga agtigtignay iti uneg ti ministrim.

Tunggal maysa kadayo nga adda iti uneg ti ministri ket addaan iti personal a testimonio maipapan iti pannakabalin ti Dios kadagiti biagtayo. Ni Mismo Jesus impakitana ti kinasiasinona kaniak idi saan ko nga ibibiang ti Dios iti panunotko. Kasangsangpetko laeng iti maysa a padaya ket sisasaganaak nga agragsak. Kaal-alak laeng ti umuna nga inumek iti dayta a rabii ken nakasaganaak nga uminom, ken ti panagriknak biglaan nga addaak iti uneg ti bura. Nagiddep ti panagdengngegko. Makitak ti banda nga agtuktukar, dagiti tattao nga agsalsala ken agkakatawa, ngem awan unida. (Nadaras ti pannakapasamak amin dagitoy, ngem kasla nagatiddog unay.) Idi kuan kasla angin ken kimat, nariknak ti timek ti Apo a napan iti entero a bagik. Kinunana, “Yap-apannaka ti basol dita kararuam iti umap-apoy nga Impierno.” Iti daytoy a kanito, linukatan ti Dios ti pannakaawatko maipapan iti basol ken panangukom. Saan nga ikategoria ti Dios

ti basol a kas naisuro kaniak iti kulto a Katoliko. Yap-apan amin a basol daytoy kararuak idia Impierno. Imbellengko ti in-inumek ken timmarayak. (Awan panangpanunotko kadagiti tattao nga adda iti aglawlawko wenno no ania ti panunotenda maipapan kaniak, sinerrek ti alingagaget ti agnanayon a pannakaukom toy kararuak.) Napaparintumengak iti murdong ti dalan ken nagpakpakaasiak iti nalaaw, “Dios tulongannak!” Saanko pulos nangnangngeg ti panagbabawi ken diak ammo ti aramidek. Nagsapulak iti tulong iti dayta a rabii, ken nakitungtongak pay iti maysa a tao nga adda iti Bible College. Sakbay pay a maammoanna no apay, addaakon iti balayna. Indiyana kaniak ti marijuana tapno sigarilyoek. Saan, diak kayat dayta. Pimmanawak ken nagawidak. Napanunotko, “Agbiagako iti basol ken matayak iti basol ken awan ti maaramidak maipapan daytoy.”

Iti sumaruno a rabii, inawisnak ti gayyemko a mapan idia Hollywood Boulevard (lugar a saanko pappapanan). Napankami, ken ditoyko a nasabet dagiti kakabsat manipud iti Tony ken Susan Alamo Christian Ministry. Ti maysa a banag nga imbaga ti kab-sat manipud iti ministri kaniak ket, nalaka laeng a pagserbian ti Apo. Ti laeng aramidek ket ikitak ti matak ken ni Jesus ken saanko pulos nga ikkaten. Timmama dagita a sao iti pusok a kas iti pana, ket linukatan ti Apo ti panna-

kaawatko iti panagserbi Kenkuana. Pinatay dagiti amin nga iglesia a napanak idi ti pammatik nga adda iti pusok. Itan napunnon iti pammati toy pusok. Napanak iti maysa a gimong idia Canyon Country, California, ket iti murdong ti gimong, inawatko ni Jesus ditoy pusok. Nariknak nga inugasan ni Jesus ti tunggal basolko. Nariknak a kasla naguyod dagiti amin a daan, narugitan iti basol a dara manipud iti bagik ken immuneg ti karayan ti baro a dara. Ammok a nabaliwanak. Daytoy ti baro a panangrugik, ket kayatko nga ibingay a dagus daytoy.

Ti amak ket maysa nasiga a mamartek a saan a pulos a makasarak iti pannakaaispal manipud iti arak. Immay iti simbaan ken nagbabawi kadagiti amin a basolna ket insigida a naispal manipud iti arak. Simrek met iti ministri. Iti maysa a kanito ininterbyu ni Susan Alamo isuna kabayatan ni maysa a TV broadcast, ket sinaludsod ni Susan ti amak, “Kayatmo kadi dagiti anakmo a rumwar manipud iti ministri?” Simmungbat ti amak, “Lapedan koma ti Dios! Awan ti dadduma a lugar a maipada iti Tony ken Susan Alamo Christian Ministry.” Umannamongak. Awan ti lugar wenno siasinoman iti daytoy a daga a kas iti Tony Alamo Christian Ministry.

Naabak ni Satanas, ken nangabaktayo, siiiggem iti namansaan iti dara a bandera ti Apo.

Arya Kristiano a soldado!
Kabsat nga Anna Moan

Oklahoma

Ken ni Pastor Tony,

Idi nangngegko ti mensahem manipud iti Apo maipapan iti “Gayunggayong,” nalagipko ti nalawag a natagtagainepko idi idia Dyer, AR, agarup tallo-pulo a tawenen ti napalabas.

Magmagnaak idi iti naakikid launay a pader; Addaak iti agarup kagudwan iti ballasiw idi nangrugiak nga agsuray-suray. Napukawko ti balanseken ken natnagak. Nagdissoak iti darat ket nangrugiak a lumned iti nadaras unay. Naamirisko a maysa daytoy a gayunggayong.

Adda dua a kakabsat a lallaki sadiay, ngem saandak a matulongan. Limnedakun agingga iti ngiwat idi nakitaka a

magmagna, Pastor Alamo, agarup sangagasut a kadapan ti kaadayom. Aggar-garawka a kasla nageometrikaan ken manipud iti suli ti matam, nakitanak ken immayka iti nadaras, inyawatmo ti imam, ken ginuyodnak a kasla 1-2-3.

Impakita ti Apo nga addaanka iti pannakabalin babaen iti Espirituna. Impakitana kaniak nga addaak iti dayta a pader—diretso ken akikid, ngem saanko laeng a namenternar ti nasayaat a balanseken, isu a natnagak. Kas kuna ti mensahem, addaak iti gayunggayong, ti laeng Dios babaen kenka ti nangguyod kaniak manipud dita. Awan ti kabsat a makabael iti daytoy.

Agyamanak iti Apo gapu kadagiti mensahem, pakaseknem, ken naan-anay a panagtulnogmo iti Dios.

Tommy Scarcello

Moffett, OK



DAGITI ONLINE A MINISTRI NI ALAMO

www.alamoministries.com



Ni Pastor Amos Andala agiwarwaras kadagiti pagiwarnak ni Pastor Alamo ken libro a Mesias kadagiti purok ti Kenya, Africa

Zimbabwe

Patgek a Pastor Alamo,

Ti programam, ti Tony Alamo Ministries, ket benbendisionan-nak iti tunggal lawas iti Radyo Africa Dos. Nasalawko a damu ti programa agarup makabulanen ti napalabas. Yeg ti mensahena ti Sao ti Dios a nalawlawag ngem dagiti dadduma a nangngegko, isu a kankanayunen a dumdumneggak iti programa ita.

Agyamanak kenka para iti programa, ken itultuloymo ti naimbag nga aramid.

Napudno kenka,

R.N. Gokwe, Zimbabwe, Africa

Ghana

Patgek a Pastor Tony,

Ti Kangatoan koma a Dios, nga akin-Anak ken ni Cristo a Mannubbot-tayo, bendisionannaka iti nawadwad gapu iti panangidanon mo ti makapabileg ken makaisalakan iti kararua a babasaem kanyak. Palawaenna koma ti beddeng ken impluensiam.

Nakaskasdaaw no kasano a naab-bongan ti kinarugitko ken napagbalin a kinapintas sipud idi nadiskobrek ti babasaem. Nakalubanak kadagiti naa-las a mansa dagiti basol, ngem babaen ken ni Cristo, a naam-ammok, ammok a naugasanen dagiti basolko.

Nabaelak nga imbingay iti familiak ken kadagiti gagayyemko ti naindaklan a sagut a babasaen a naawatko manipud iti ministrim, ken nasdaaw ti tunggal kararua a nangbasa kadagitoy. Maragsakankami no mangipaw-itkayo pay iti ad-adu a bambanagyo a makabendision, kas kadagiti babasaen, Biblia, ken libro a *Mesias* tapno mapabileg ti inaldaw a panangbasa ken panangib-ingaymi iti kinapudno, ken tapno saanmi manen a maulit dagiti dakes nga aramidmi, ken ngarud makipasetkami iti agnanayon a ragsak a kadwa ti Mannubbot-tayo a ni Jesus inton umaynatayo alaen. Kayatmi met a mangngeg ti nakaskasdaaw a timekmo; ngarud,

agkiddawkami kadagiti mensahem iti CD. Namnamaek nga aramidem daytoy iti nagan ni Jesus.

Agyamanak kenka iti panangit-edmo kanyami iti umno a mapa a mangidalan kadakami, ken ipakitami ti panangapresiarmi babaen iti panangiarasmi kadagiti babasaem ken pagiwarnakmo kadagiti napukaw a karnero.

Napudno kenka,

N.S.

Ashanti, Ghana, Africa

Patgek a Pastor Tony Alamo,

Maragsakanak unay nga agsurat kenka. Umuna iti amin, kumustaka? Namnamaek babaen iti parabur ti Mannakabalin-amin a Dios a nasayatka. Pagyamyamananka iti panangbusbosmo iti napateg nga orasmo a mangbasa iti suratko, gapu ta ammok nga adu unay ti pakakumikomam kas tao ti Dios.

Kaisalsalakanko laeng kalpasan a binasak dagiti pagiwarnak ken babasaem. Binalbaliwannak ken pinagbawinak babaen iti wagasmo a mangisuro iti Sao ti Dios.

Sir, kayatko a bukbokod a maamoan ken basaen iti ti Biblia, ngem gapu ta maysaak nga estudyante,

saanko a mabaelan ti gumatang ta nangina unay ti Biblia ditoy Ghana. Maragsakanak unay no mapawitandak iti maysa para iti personal a panangusarko. Kayatko ti agngudon ditoy babaen kadagitoy manmano a sao. Agyamanak kenka.

Toy gayyemmo,

A.A.

Sefwi, Ghana, Africa

Patgek a kabsat ken ni Cristo,

Agsursuratak kenka manipud ditoy Ghana tapno yebkasko ti panagyamanko kenka ken iti ministrim. Bendisionannaka koma ti Dios iti nawadwad. Naisalakanak babaen iti babasaem a napauloan, "Dayta ti Kaipapananna." Inawatkon ita ni Apo Jesus kas Apo ken Mannubbotko.

Pastor, kayatko a paw-itandak iti agarup lima-pulo a kopya ti babasaem. Nakasaganaak a mangibingay iti Sao ti Dios kadagiti gagayyem ken papagayamko. Kayatko met a pawitandak iti CD ken dadduma pay a banag a makatulong kanyak iti panangadalko iti Sao ti Dios.

Bendisionannaka koma ni Apo Jesus iti nawadwad. Amen

A.E.

Ghana, Africa

DAGITI MANNAKIGUBAT ITI LET-ANG

(Katuloy ti panid 4)

a nakadteng iti likodan ti let-ang.”

Santo maibagam, “DIOS, maawatakon nga amin a banag ket kas iti dayta. Maawatakon ita no apay nga impalubosmo dagitoy a bambanag a mapasamak kaniak ken saanka a nangibaon iti aniaman a tudo iti lugar a let-ang ti panagmaymaysa, panagladingit, pannakailaksid, kinaawan way-awaya, ken saan a maawatan, gapu ta SIKA ti nangiyapan kaniak sadiay.”

Saanmo naawatan idi damu; imbagam, “Apay, ania ti naaramidko? Sadino ti nagkapuyak DIOS? Apay ta saan a lukatan ti DIOS ti ruangan? Apay ta addaak iti daytoy a kasasaad?” Addaka dita gapu ta mangisagsagana ti DIOS iti lalaki wenna babai a mangiyapan iti mensahe ti pannakaisalakan, ayat, saan a mapaay a kaasi ken parabur iti sangkataoan. Pagtalinaedennaka ti DIOS ket arakupemto daytoy a kapadasan iti let-ang. Ken pagyamanamto ti DIOS gapu iti daytoy. Ti kasam-itanen nga oras a maam-moam ket inton sumalog ti DIOS iti dayta a lugar ti let-ang, ken iti mismo nga imatangmo, iti ayan ti umap-apoy a bassit a kayo iti dayta naladingit, nailemmeng a lugar. Inton agiliwka ken nabannog, santo giddato nga agparang ti ANGHEL ti DIOS ket ruggiam ti agyaman iti DIOS gapu iti daytoy naladingit naangin a bantay. Santo idalannakanto ti DIOS iti ESPIRITUNA tapno sagidem dagiti puso dagiti lallaki ken babai babaen iti

nabileg, labes ti gagangay a panangispal.

Mangrugikan ita babaen iti panangibagam daytoy a kararag iti DIOS:

APOK ken DIOSKO, maasi Ka kadi iti kararuak a managbasol.³³ Mamatiak a ni JESU-CRISTO ket isu ti ANAK ti sibibiag a DIOS.³⁴ Mamatiak a natay ISUNA idiy crus ken imbuyatna iti napateg a DARANA para iti pannakapakawan iti amin a napalabas a basolko.³⁵ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,³⁶ ken agtugtugaw ISUNA iti makannawan nga ima ti DIOS ket iti agdama a dengdenggenna iti panangikonfesarko iti basolko ken iti daytoy a kararag.³⁷ Ilukat ko ti ruangan daytoy pusok, ket AWISENKA ditoy pusok, APO JESUS.³⁸ Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idiy Kalbario.³⁹ SAANNAKTO a paglikudan, APO JESUS; PAKAWANEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.⁴⁰ Ibagati SAOM a SAANMONTA a paglikudan iti siasinoman, ket mairamanak dita.⁴¹ Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.⁴² Agyamanak KENKA, APO JESUS, iti panangisalahanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.⁴³

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU SANTO.⁴⁴

Adalem ti Santa Biblia [ti Ingles a King James Version] ken aramidem no ania ti ibagana.⁴⁵

Ti APO kayatna nga ibagam iti dadduma ti pannakaisalakanmo. Mabalnmo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenna ag-email ka kanyami para iti ad-adupay nga impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a tak-takawan ti DIOS kadagiti KUKUANA nga apagkapullo ken datdaton. Kuna ti DIOS, “Takawan kadi ti tao iti DIOS? Ngem TAK-TAKAWANDAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespirituan a makan] iti BALAYKO [naisalakan a karkarua], ken PADASENDAK iti daytoy, kuna ti APO dagiti BUYBUYOT, no saankonto nga ilukat kenka dagiti tawatawa ti Langit, ken ibuyatko kenka ti bendision, nga awanto ti kwarto a makalaon a mangawat iti daytoy. Ken ungtakto ti mangdadael para kadakayo, ket saannanto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT” (Malakias 3:8-12).

33 Sal. 51:5, Rom. 3:10-12, 23 34 Mat. 26:63-64, 27:54, Luc. 1:30-33, Juan 9:35-37, Rom. 1:3-4 35 Ara. 4:12, 20:28, Rom. 3:25, 1 Juan 1:7, Pal. 5:9 36 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 37 Luc. 22:69, Ara. 2:25-36, Heb. 10:12-13 38 1 Cor. 3:16, Pal. 3:20 39 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 40 Mat. 26:28, Ara. 2:21, 4:12, Ef. 1:7, Col. 1:14 41 Mat. 21:22, Juan 6:35, 37-40, Rom. 10:13 42 Heb. 11:6 43 Juan 5:14, 8:11, Rom. 6:4, 1 Cor. 15:10, Pal. 7:14, 22:14 44 Mat. 28:19-20, Juan 3:5, Ara. 2:38, 19:3-5 45 Jos. 1:8, Sal. 1:1-2, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga informasion wenna babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA

Linya ti 24-Oras a Panagkararag ken Imformasion: (661) 252-5686 • Fax (661) 252-4362

www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiay adda iti lokasion ti U.S. a pudno nga agtarigagay nga agserbi iti APO iti amin a puso, kararuak, panunot ken pigs.

Dagiti Gimong a maar-aramid iti Ciudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti informasion. ADDA MAIDASAR A MAKAN KALPASAN TI TUNGGA GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahaya iti panagapit iti kararuak babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan iti kopya ken pannakairehistro:

© Kalintegan iti kopya Agosto 2011, February 2015 Amin a kalintegan naited World Pastor Tony Alamo © Pannakairehistro Agosto 2011, February 2015

ILOCANO—VOLUME 13200—DESERT WARRIORS